

當天本來想當面向議員們表達，可惜吃了閉門羹。為免再因任何爭拗而無法把話說清楚，現在以文本向各議員表達心聲。

作為一位家長，知道 TSA 和 BCA 都是評估全港學生既學習水平，令到學校得到數據，從而可以適當地改良和優化教學的方法，作出適切既改善。本人都有疑問，其實唔推行是否會比推行容易，點解學校還要堅持呢？

透過資料搜集，和學校有良好嘅溝通，從而明白到呢個評估工作係為咩，亦因此與家校建立互信。

就本校而言，TSA 對本子女並無造成任何壓力，學校並未因為收到評估數據後對學生進行額外加操，反而提供多份參考資料，讓老師更透徹地去改良和優化教學既方法，校方亦闡明不會為此增加任何額外功課，補充或是操練，這點本校貫徹始終，本人十分欣賞。學校本身亦都有功課量限制，因此對學生沒有特別影響。

明白到呢個評估對學生是有得益，亦可以幫助學校，從教學中加強富有趣味性及有效益的學習，小朋友回家又會和我分享課堂上有趣的事情，我小朋友最多和我分享既就係課堂上既分組時段，佢同同學一起搜集資料，互相題問，一齊討論，我聽後覺得可以在愉快既氣氛下引發孩子既學習興趣，作多方向思考，而唔係只有操練同做到孩子怕怕既教學環境下上堂，試問一個無增加家長和小朋友壓力既評估，亦可知道學生水平，我唔會反對。

我相信每位家長都是愛錫自己的子女，作為關懷子女既家長，係想讓孩子身心正常發展，不是被時勢輪為政治工具。

我們教孩子明辯是非做好人，相信呢個係每個父母嘅基本意願！希望可以開心愉快咁學習和成長，只要不影響子女的身心健康，我是贊成的。

謝謝！

李慧嫻女士